



于文政(辽宁·沈阳)

咏雪(选三)

琼花经夜满街衢,自起烹茶伺小炉。
老柏园中龙屈蛰,新梅墙外鹤清癯。
寒生不到眠袁榻,兴尽遄归访戴桴。
已是崇朝三进酒,未知催得一诗无。

九霄龙斗势难论,倒甲倾鳞降紫阁。
忍看甑瓢悲白屋,何堪酒肉臭朱门。
深怜东野先生窘,解道南阳处士尊。
惟乞天河无俗艳,素涛玉浪洗乾坤。

朔风夜送角声寒,玉屑纷纷落钓滩。
远树一枝鸦羽黑,明轩几只鹤头丹。
襄阳路滑犹思孟,秦岭云横每忆韩。
欲伴希夷高榻卧,篋书留作蠹鱼餐。

叶青才(安徽·岳西)

剪贴

茶余积翠未曾休,觅句寻章在小楼。
书海茫茫来宝藏,燕翎忽忽剪春秋。

冰霜催我斑斑白,文字爱它粒粒柔。
岁月烛光燃愈短,拾荒仍教兴悠悠。

书橱

父兄开地石参差,我垒梯田君不知。
蛙鼓静时窗草绿,稻花香里酒诗宜。
开扉每把古今觑,排位先将风雅提。
莫道书阶无所用,登高敢笑大仙痴。

王国祥(黑龙江·萝北)

剃光头偶得

镜前对看顿消沉,积雪荒林乱草深。
发落一堆愁理尽,春风搔首笑愚人。

二

莫教悲催两鬓白,提刀发落笑颜开。
每期体面从头起,更喜阳光顶上来。

咏三沙

灵光自在芳州岛,旖旎椰风惹梦香。
礁以珊瑚方寸贵,水因宝藏斗金量。

惊涛拍岸潮初起,锐志凌云乐未央。
海韵泱泱千万里,扬帆天下第一疆。

宋 剑(贵州·纳雍)

桃花

早开几树怪风吹,别用轻薄说是非。
一夜春来同沐雨,我红我紫岂关谁!

雪中自驾

银花几度漫山开,全仗北风多剪裁。
知晓雪消春不远,驱车赶去载将来。

黄红梅(湖北·随州)

思佳客·杏花开了

春暖栖霞霞满天,垌堆红杏绽娇颜。
和风略吱花千树,紫燕呢喃云一团。
妆李阁,秀桃源,撩人枝下醉三贤。
东君怜我赊双翅,化蝶浓香深处眠。

思佳客·风中有朵雨做的云

雨做风中一朵云,轻音袅袅近蓬门。
坊间自有痴情客,忆里徒余迷你裙。
怜绮梦,惜青春,泪珠零落绿芳茵。
疏窗几缕流香漫,濡笔花开岁月温。

齐周梦(安徽·安庆)

杂兴(录二)

客里秋深履月霜,看来无事却奔忙。
知还倦鸟无栖处,偏爱逢人说故乡。

春满平川柳结花,山村谷雨摘新茶。
可怜布谷催归去,无奈行人处处家。

张月玲(山西·平遥)

情人节戏题

欣逢洋节也探春,白首良朋一色新。
半尺手机能画饼,千年渭水可垂纶。
无端细数风流客,有意搜寻网恋人。
何惧情深花乱眼,只俘才华不俘身。

乙未初夏采摘野菜犹思

当年黉门一别感成

题罢薰风怜落英,当年秋榜未标名。
韶华飞逝容颜老,岁月消磨意气平。
漫道钱财分贵贱,岂缘功利定输赢。
何妨前路无知己,青鸟云山相送迎。

林 璃(广东·江门)

思母

赤栏桥外碧梧秋,几度梦回萱草楼。
惆怅今宵千里月,一轮分作两边愁。

少年游·咏荷

芙蕖写意翠晴中,摇曳锦屏重。
清尘莲蕊,和光花影,香透两襟风。



蜻蜓悄向荷尖立，将雨墨方浓。
万点秋声，碎波纸上，一抹驻轻红。

叶金平(广东·江门)

老 巷

应怜深巷静无尘，旧瓦莓苔覆几春。
门外是谁曾久驻，望穿新月照归人。

咏 兰

众草没幽姿，兰心唯对月。
风霜日夕摧，我自清香发。

解敬斌(新疆·五家渠)

小区湖畔桐花谢了

一弯湖水傍人家，柳絮飞烟薄似纱。
久坐不知春已老，双肩落满紫桐花。

雾霾三首(其一)

暂守闲身云水居，无云无月友人稀。
霾深雾重无聊甚，轻触缸中虾子须。

王家麟(江苏·东海)

秋 思

西风寒客地，野陌绿红凋。
万里行云寂，千山雁字遥。
无边愁做枕，醉处思成潮。
十载沧桑事，归心暮与朝。

摊破浣溪沙·中秋思乡

月到中秋分外圆，清辉不吝洒霜天。
勾起乡思总无绪，又成笺。
我点荧屏书短信，君翻挂历数流年。
竹马无知频入梦，夜难眠。

摊破浣溪沙·中秋诗会

渐劲西风冷仲秋，平添羁客许多愁。
幸有诗心多无赖，聚吟鸥。
一阕清音涵古韵，十分快意上眉头。
莫道乡思无解处，月明楼。

张江陵(江苏·东海)

有 记

杨柳含烟堤外青，层层细浪赶浮萍。
村翁又得垂纶趣，朝钓明霞晚钓星。

卖菜翁

每逢暑日半披裳，热汗淋漓下脊梁。
可叹稀龄刨土汉，摘来新菜未先尝。

章长斌(湖南·涟源)

春 语

东风惊绿梦，澍雨浥新芽。
谁在云山里，扶犁画道霞。

【双调】折桂令·乡里人家

小俩口致富兴家，住有高楼，池养鱼虾。
作画吟诗，投篮健体，坡地栽

瓜。 购销忙、收支入卡,节日游、
宝马通达。窃语春华,添个双娃,鼎力
扶贫,情满山洼。

果志京(北京)

行香子·春

醉里风光,烂漫群芳,东风轻,春
水汤汤。一山秀色,那用梳妆。望晓烟
起,岚烟去,暮烟长。 韶华正好,
赏读辞章,吟哦处,早过篱墙。暖阳继
继,韵海徜徉。品唐诗雄,宋诗理,近
诗香。

蝶恋花·踏春

旖旎风光春色好,细雨初晴,润
遍青青草。一树桃花争弄俏,满目芳
菲蜂蝶闹。 日暖风轻烟袅袅,何
处笙歌,怯怯相思小。信是心随晨曲
绕,凭君总忆当年笑。

潘孙鹏(浙江·杭州)

雨日有寄

寒风瑟瑟雨丝丝,正适潜心捧读时。
埋首书堆春不觉,窗前已是绿盈枝。

龙耕路

郁郁青山淡淡云,汉王逃难此留痕。
从来得道赢多助,伟业功成赖众人。

潘海源(广西·蒙山)

好事近·咏萤火虫

白昼敛毫芒,到晚始追风月。篱
畔涧边飞舞,奉浑身余热。 蓝星
闪闪照长空,催发梦千叠。引得数支
神笔,谱清新歌诀。

临江仙·咏茅草

细叶苍黄根若玉,层层拱上山
巅。悠然挺立几多年?朔风吹不倒,烈
日烤弥坚。 柔韧枝条堪大用,驱
邪遮雨随缘。草绳拧就美名传,孤身
难济世,着意抱成团。

周贤邦(四川·泸县)

水调歌头

日上陇风远,老叟忍轻寒。观星
看月,人歌鸟舞醉云端。下谷言云淡
淡,上岭观花灿灿,归路止行难。俯首
看禾稷,弄笛唱山川。 农夫梦,
休言断,五更圆。夏耘秋种人困,不敢
强贪欢。踏露兴刀割稻,上陇登云卸
蒜,摸黑走坭丸。不肯花间坐,舞臂接
丰年。

吴 江(四川·遂宁)

花 朝

长苦深寒春寂寥,独于向晚伫平桥。



大江掀浪吞天地，曲岸吹风连昼宵。
入耳斑鸠鸣雾野，惊眸彩女秀花朝。
且由归燕穿朱户，鼓荡心田无数潮。

晚 望

歌城酒阵岂吾乡，独上高楼眺八方。
地展棋枰江一线，天垂罗幕雨千行。
菜花何处开如海，青鸟于今啭似簧。
三径柴门待游子，万家灯火夜茫茫。

丰晓亮(湖北·武汉)

莫名花

清江堤上莫名花，朝伴云天晚约霞。
谁管青春留不住，风烟一缕是生涯。

临江仙·花间

几点炉香不起，几多心绪无晴。
梦中何必再卿卿。神伤终有倦，念念
一声声。 惋曲三更夜唱，痴痴总
算分明。茶空人去剩孤灯。天涯行迹
远，安好是曾经。

临江仙·杨花

也是东君将系，也因春去无家。
成球成对又些些。一朝风雨后，各自
向天涯。 水性何曾自己，柔姿鲜
有人夸。几番漂泊自嗟呀。他年花信
在，莫再异群花。

张传亮(山东·潍坊)

星 夜

北斗长勺南斗瓢，银河漾漾不通桥。
牛郎无绪驱犊返，满甸星花谁去浇？

咏樱花

瑶池一梦拭无痕，谪落尘凡艳骨存。
不与天香垂帐幔，须惊三顾断人魂。

咏杏花

霞裳玉影骇俗尘，定费天工万斗春。
只怕人言关不住，半枝不向矮墙伸。

姚晰频(浙江·海宁)

题梅竹图

数点梅横竹影疏，空山岁晚士何如。
烹茶煮雪移清月，风动明珰且作书。

午休采樱桃

闲敲红果淡听雀，春到门前不用寻。
三两新芽翻老绿，清欢裁得漫诗心。

随 感

绿水绕小区，夜闻蛙声一片，忆老屋
庭院，五月蔷薇挂满墙。感此。
轻颺飞絮黏行客，梦里蔷薇映落霞。
虚掷几分痴与傻，晨闻灵雀夜听蛙。

吴志贵(安徽·望江)

鹧鸪天·夜读

寒夜敲窗滴沥声，风翻书卷已三更。
当知小宅无香逸，却喜塘荷有雨听。
谐韵律，适闲情，正宜伴我老书生。
有缘修得逍遥客，何忌人称禅坐僧。

江边早春

江滩好似雨晴表，春到人间草木知。
岸地返青弥野径，杨林吐绿替枯枝。
渔舟已觉风涛暖，燕客方寻柳眼痴。
漫道繁花堪赋韵，鹅黄新嫩即成诗。

唐 敏(贵州·纳雍)

临江仙·入夜窗边偶题

雾锁楼头山隐隐，连天一片濛濛。
依窗伫望满城灯，可怜难照亮，心底那天空。
最是楼高人寂寞，愁思漫到无穷。
百无聊赖掩帘枕，手机从此后，作我小书童。

鹧鸪天·戏题手机

精致玲珑靓丽身，浑然时代小情人。
片时不见娇娇影，即刻如丢寂寂魂。
堪解意，最知心，那情甜透那光阴。
月牙磨亮晨曦醉，爱到浓时见本真！

俞华平(浙江·嘉兴)

农忙

日日蚕儿壮，南厢麦已黄。
采桑时滴露，收刈晚归凉。
鸡鸭入棚定，燕雏呢语香。
尚期茧如雪，相映鬓边霜。

看海

听得螺音唤，分明已熟谙。
波平接天阔，鸥没入烟岚。
荡涤机心虑，包容万象涵。
从兹心底处，一抹海之蓝。

楼市

飘飘蜃气遍琼楼，天价蜚声五大洲。
最是开盘初揭日，人山叠叠竞争筹。

高怀柱(山东·莘县)

无害灭虫

有机种菜最时兴，夜暗何来点点明。
不是星辰天上落，田间亮起杀虫灯。

送客

一江春水泛东风，几朵浮云驻碧空。
燕去莺飞舟已远，柳条犹舞夕阳中。

小景

雨润山间长绿苔，日升光影欲移开。
花枝沾露沉难挺，却被春风扶起来。

徐晓时(浙江·武义)



偶遇七星古梅

古荡寻幽来鹤亭，忽闻梅苑有七星。
苍松为友竹相抱，濯影犹得一涧清。

寻 春

二月溪山暮雨斜，菱蒿才绿柳初芽。
风停偏有寻春客，漫步石桥数水花。

玉兰花

南山雨霁霭云分，绚烂枝头一段春。
玉瓣凝胭添妩媚，银苞洗露秀清纯。
金樽万盏何须酒，曲径三通自醉人。
满地落英犹可待，芬芳馥郁化红尘。

许碧霞(江西·万载)

新 柳

雨丝穿线疏林漏，睡柳朦胧染嫩黄，
青鸟三三梳细发，织帘幽梦挂春光。

春 晴

春时风物晴方好，红紫芳菲蝶翼飘。
最是禾田农事起，耕波犁浪逐云霄。

张允宾(山东·青州)

浣溪沙·逍遥

细水潺潺绕土房，翠竹门对草花香，
啾啾小鸟闹篱墙。夜览江天云戏月，
闲观陋室燕逐梁，长诗短句似癫狂。

鹧鸪天·深山行

谷壑流泉漱玉声，林深古寺响金钟。
梢枝鸣啭低低鸟，花草轻摇细细风。
云淡淡，雾蒙蒙，拾级斜径上青峰。
俯身一览周山小，浑忘红尘万事空。

马继清(四川·射洪)

水调歌头·中秋

吾顺嫦娥迹，携酒步穹苍。且藉瑶池碧水，涤荡世尘脏。
喜赴蟠桃盛宴，列侍群星众曜，奉盏有龙王。
凤笛吹悠婉，鼙鼓奏疯狂。停银箸，推金碟，抖诗囊。
撕篇云彩，涪水为墨写词章。赠与亲师故旧，更有贤能弟子，
见字似回乡。乘醉寻仙去，幽谷筑兰房。

崔国靖(吉林·农安)

蝴蝶兰

仙葩错落紫霞身，幽谷丛生不染尘。
不用庄周亲点化，一怀蝶梦自生春。

阳朔旅次

竹影婆娑爽气清，山泉流韵月光明。
陶然孤馆闻天籁，最是春宵可寄情。

刘玉杰(河北·秦皇岛)

除夕夜随想

一夕经年再达晨，四时流转莫嫌频。
檐前灯暖明残腊，陌上冰消润好春。
舞态疏狂携酒客，茶香起坐爱书人。
钟声入梦三千里，绿草红花次第新。

雪 霁

苍茫十里作新晴，素色银光画不成。
何似此身非我有，春风一路减营营。

闫 钧(河北·康保)

卜算子·紫丁香

扑鼻入心芳，夺目繁星紫。雨巷
伊人哪里寻？花落流波逝。醉我
宋唐风，佳韵丁香似。平仄人生暮马
蹄，犹启奔腾势。

卜算子·幸福树

购入满盆春，立在阳台照。翠叶
蓬勃向上升，超我一头了。日影
落还归，坐看移窗邈。孙女青枝试比
高，笑我身材老。

鲁 芪(甘肃·康县)

鹧鸪天·傍晚河边

近水寻幽暮雨晴，风来拂草色青
青。柳垂树下钓云影，鸭逐潭中戏碎
萍。观菡萏，落蜻蜓。蛙鸣奏与
晚霞听。尤怜眼底新花艳，摄入吟笺

慰别情。

刘 欣(北京)

山桃花

东风吹北地，摇曳一枝斜。
雅韵兴重院，清芬透碧纱。
往观千岭雪，同赋半天霞。
笑对春光短，桃溪数落花。

卜算子·雪梅

既喜雪中梅，也爱梅心雪。梅雪
情怀两地融，何惧风寒冽。谁寄
一枝春，几度飘香屑。偕往孤山觅鹤
踪，不忍江南别。

王建国(上海)

辛弃疾

突骑锦檐森垒开，呕心九议束金台。
廉颇能饭凭谁问，遥听胡笳泪满腮。

天目山小住

呼朋山水间，策杖到云端。
曲径拥新笋，暗溪延急湍。
灵芝岑翳险，蛙鼓竹林寒。
偃月他乡客，茶清胜酒阑。

王晓春(四川·遂宁)

咏 兰



绿叶葳蕤绕指柔，春来芳讯动山陬。
一经墨客题吟后，从此花开不自由。

读《隐忧与曲谏—— 〈清明上河图〉解码录》

一

十里长街春色融，茶楼酒肆沐香风。
安知倏忽时光转，北国寒冰冷两宫。

二

丹心和墨写真容，歌舞升平武备松。
千载几人能悟得，繁华总在画图中。

许延荣(山东·烟台)

家 燕

情满东风寻故地，路遥寒思翦流云。
人驱陋室何当语，吟断燕声谁与闻。

乡村见闻

崑崙山下驻幽村，古杏桃花掩素门。
老妪弄孙闲日月，顽童驱犬戏晨昏。
砧音河畔歌声脆，燕子檐前软语温。
待客何须斟玉液，清泉一掬醉乾坤。

李军英(甘肃·康县)

咏 茶

乡野深居不染尘，甘霖久沐愈清新。
醇香一缕迎佳客，不负良田不负春。

春 寒

燕河漫绿柳丝垂，欲踏青时阴雨随。
本是人间春好处，娇花却被冷风吹。

杨秀兰(浙江·海宁)

喝火令(录二)

情似缤纷叶，心如寂寞舟。还于僻处作优游，荡漾此中湖海，再与晚霞酬。
不羡红尘闹，还怜空谷幽。一枝无语笑王侯。独对清风，独对月如钩。独对盈盈山水，可以寄绸缪。

雨湿烟岚翠，林深鸟语幽。空山一路兴悠悠。摘个朵儿斜鬓，也学妙龄羞。
芳事难余几，韶光不肯留。等闲思绪又难收。枉了今生，枉了岁如流。枉了青春年少，不敢去回眸。

朱玉明(江苏·泗洪)

抒 怀

是是非非泾渭分，生来自不附人云。
微薪聊以养家口，秃笔安能敌酒军。
翁媪难谋新职业，诗词已鼓旧纱裙。
行间字里咀真味，一扫穷愁缀锦文。

杨炳阳(山东·潍坊)

丁酉端阳

绿染新蒲艾叶香，熟梅天气又端阳。

书黄尚忆儿时趣，浮白何输壮岁狂；
诗胆未因风雨怯，琴心不共乱离荒。
望洋犹起乘槎志，欲驭龙舟竞远航。

黄浴宇(浙江·嘉兴)

端午口号

一纵清波千载歌，从来殉道古贤多。
汹汹网络众喷子，敢问何人跳汨罗？

诉衷情·荷塘月色

一枝清绝出瑶台，罗袜碧云裁。
亭亭月下风细，花与影，共徘徊。

塘半亩，韵无涯，意难排。对霜横
笛，顾影琴挑，花事谁谐。

傅震宇(浙江·海宁)

浣溪沙·丁酉端午

无计耕岩效辟邪，楚兰湘艾没尘
沙。闭门自困野樵家。麻线红缠
青箬叶，菖蒲绿透碧窗纱。读骚不觉
日西斜。

春日翻盆

书笥生尘笔砚荒，一春尽是为花忙。
容疲却带藓苔色，指破犹沾肥土香。
细护每怜些子景，勤梳真比美人妆。
劳筋莫笑已成累，谁识祛愁疗俗方？

高遂有(河南·汝州)

村头古戏楼

瓦垄生松茂，童年记忆深。
寒桥哭弱女，草寇闯豪门。
黑面蝴蝶梦，黄花雪发人，
浮沉村史里，故事又添新。

太阳能吟

善借红轮火，神功水沸腾。
襟怀憧憬远，起步在高层。

颜 静(湖南·永州)

鹧鸪天·卧室

时岁轮回一段春，九平方里影三
分。雨斜冲淡砚中墨，风紧吹寒壁上
痕。椅跛脚，案沾尘，黑屏电脑
榻头亲。密封老柜愁心锁，帘短何妨
过往云。

鹧鸪天·厨房

北倚阳台半片天，荒年画饼事成
烟。铲瓢挂角风来往，荤素入锅汗煮
煎。忙一顿，饱三餐，四时五味
有无间。灶前兴起歌敲碗，号是巴人
弄管弦。

余廷林(贵州·毕节)

不周山哀共工

能伸能屈自风流，何必疯狂触不周。



成大事人多黑厚，君成反面教材留。

老翁方说晴光好，几处玄云又抱团。

天王府

耀武扬威十四秋，长江江水欲西流。
可怜上帝西夷主，难解独夫一己忧。

冷 看

冷看他人屡折腰，管他杨柳咋妖烧。
我如雪里梅花瘦，留取清香笔下飘。

孔令军(江苏·扬州)

长 亭

十里青丝挽，诗仙影子摇。
胡天三月雪，吴水一层潮。
往事如烟灭，虚名似雨消。
浮云人意解，明月架心桥。

姚 繁(湖北·赤壁)

早春即事

跳崖温度小寒潮，毕竟阳刚立未牢。
栎木艰难生紫粒，杏枝羞涩着红袍。
渔歌暗度清江引，蔬圃悄围夹竹桃。
几响炸雷提醒我，兰亭写序要狼毫。

二

一夜潇潇洗钓滩，垂纶新觉梦之蓝。
风无定向追烟苦，日有恒温入水寒。
撒饵四厢鱼迹杳，呼花百度鸟声残。

孟琴瑟(湖南·岳阳)

油菜花

正怜池碧柳丝长，田野依稀阵阵香。
远瞰金绫浮浩海，拟将欣喜送农庄。

咏二乔玉兰

亭亭娇朵立枝头，脂粉轻匀玉颊柔。
香托东风频送远，月摇倩影自含羞。
悄藏绿袂吟清梦，闲约寒云诉淡愁。
燕荡柳丝春水暖，霓裳渐解落兰舟。

项小华(江西·宜春)

春 种

云开整菜畦，挥汗拌春泥。
锄去烦心草，引来修性霓。
青丝爬细竿，红豆照清溪。
五柳随风舞，相陪到日西。

采制白茶

蓝天碧毯任喧张，采篓云霞焙绿妆。
片片情思和露饮，清香屡屡九回肠。

王善同(新疆·阜康)

汉宫春·立春

春又回归，问东风何处，一片皑皑。
或看飞雪，温柔依旧难来。如斯也

好,那轻盈、眼满花开。犹一样、杯盘
浊酒,浑然青在灵台。自信余寒
将尽,喜桃熏杏染,笑去冰崖。便邀二
三痴侣,出趟肥差。求田问舍,度闲
暇、将忆深埋。它纵是、芬兰丹麦,天
天悠矣悠哉。

江南雨(北京)

临江仙·十二花仙词(录三)

六月荷花

本是瑶池仙客,无端零落红尘。
虫声蛙语送黄昏。晚风香寂寞,冷月
碧氤氲。漫道吴官前事,都成过
眼烟云。越溪古调易消魂。五湖春梦
杳,憔悴浣纱人。

八月桂花

西风碎剪黄金小,悄然十里香
潮。晚来秋意胜春宵。玉人佳树,相与
说前朝。郢生去后谁堪折,而今
惟忆青衫。嫩凉先到水晶帘。夜阑幽
梦,仿佛又江南。

九月菊花

摇曳霜姿匀浅淡,妆成秋色无
涯。晚风如水月如纱。此心甘寂寞,不
羡洛阳花。底事移根居上苑,来
供盛世繁华。为谁点染一天霞。夜深
应有梦,长到故人家。

郑德希(浙江·杭州)

霜天晓角·竹居

漫与天齐,乍晴拂紫霓。四季频
生翠梦,云淡绕、鹧清啼。居微,
人亦微,且待倦鸟归。寂寞伺花弄草,
尘不到、秀堪题。

生查子·梅

岁寒吐蕊来,不与争春媚。雪压
暗输香,日照频生醉。孤芳何自
吟?花领千山翠。有幸识东风,甘为群
英坠。

姚海玉(湖北·当阳)

沮漳逸情

春风送暖动心扉,静看沮漳波细微。
隔岸牧笛频入耳,依堤柳絮久流辉。
野鸭戏水追疏影,嫩叶凭风展黛眉。
秀色碧空排雁阵,怡情觅梦已忘归。

陈焕琪(浙江·杭州)

野菊

黄花盛放为谁艳?冷落荒坡独自娴。
不作庭园观赏菊,宁将颜色付秋山。

观钱塘江夜景

吾乘轻舸览江容,夜色苍茫一望中。
两岸银光摇倒影,钱塘江似水晶宫。

